учинчи бўлим

ЎЗБЕКИСТОН РЕСПУБЛИКАСИ ВАЗИРЛАР МАХКАМАСИНИНГ КАРОРИ

441 Ўзбекистон Республикаси таълим муассасаларига ўкишга қабул қилиш Давлат комиссияси тўгрисидаги низомни тасдиклаш хакида

 $m \mathring{y}$ збекистон Республикаси Президентининг «2015/2016 ўкув йилида $\ddot{\mathtt{y}}$ збекистон Республикаси олий таълим муассасаларига қабул туррисида» 2015 йил 23 июндаги ПК-2359-сон, «Республика олий таълим муассасаларига ўкишга қабул қилиш параметрларини шакллантириш механизмини янада такомиллаштириш чора-тадбирлари тугрисида» 2015 йил 23 июндаги ПК-2360-сон, «Олий таълим муассасаларининг моддий-техника базасини яхшилаш ва юқори малакали мутахассислар тайёрлаш сифатини тубдан яхшилаш чора-тадбирлари тўгрисида» 2011 йил 20 майдаги ПК-1533-сон ва «Республика олий таълим муассасаларига қабул қилиш тартибини янада такомиллаштириш тўгрисида» 2014 йил 30 апрелдаги ПК-2170-сон қарорлари ва Вазирлар Махкамасининг «Умумтаълим мактабларининг 9-синф битирувчиларини академик лицейлар ва касб-хунар коллежларида ўкитиш билан қамраб олишни таъминлаш бүйича норматив-хуқуқий базани янада такомиллаштириш тўгрисида» 2010 йил 7 июндаги 109-сон, «2015/2016 ўкув йилида Ўзбекистон Республикасининг ўрта махсус, касб-хунар таълими муассасаларига ўкишга қабул қилиш тўгрисида» 2015 йил 3 июндаги 145-сон қарорларида белгиланган вазифаларни амалга ошириш, шунингдек Узбекистон Республикаси таълим муассасаларига ўкишга қабул қилиш Давлат комиссияси фаолиятини янада такомиллаштириш максадида Ўзбекистон Республикаси Вазирлар Махкамаси қарор қилади:

- 1. Ўзбекистон Республикаси таълим муассасаларига ўкишга қабул қилиш Давлат комиссияси тўгрисидаги янгиланган низом иловага мувофик тасдиклансин.
- 2. Вазирлар Маҳкамасининг «Ўзбекистон Республикаси Вазирлар Маҳкамаси ҳузурида Давлат тест марказини ташкил этиш тўгрисида» 1994 йил 14 майдаги 258-сон қарорининг 2-банди (Ўзбекистон Республикаси ҚТ, 1994 й., 5-сон, 28-модда), шунингдек қарорга 3-илова ўз кучини йўқотган деб ҳисоблансин.
- 3. Вазирликлар ва идоралар бир ой муддатда ўз идоравий норматив-хукукий хужжатларини ушбу қарорга мувофиклаштирсинлар.
 - 4. Мазкур қарорнинг бажарилишини назорат қилиш Узбекистон Рес-



441-модда

публикаси Бош вазирининг ўринбосари Б.Ю. Ходиев зиммасига юклансин.

Узбекистон Республикасининг Бош вазири

Ш. МИРЗИЁЕВ

Тошкент ш., 2015 йил 17 август, 241-сон

> Вазирлар Маҳкамасининг 2015 йил 17 августдаги 241-сон қарорига ИЛОВА

Узбекистон Республикаси таълим муассасаларига ўкишга қабул қилиш Давлат комиссияси тўгрисида НИЗОМ

І. Умумий қоидалар

- 1. Ушбу Низом Ўзбекистон Республикаси таълим муассасаларига ўкишга қабул қилиш Давлат комиссиясининг (кейинги ўринларда Давлат комиссияси деб аталади) фаолиятини ташкил этиш тартибини, вазифалари, функциялари ва ҳуқуқларини белгилайди.
 - 2. Ушбу Низомнинг амал қилиши:

Ўзбекистон Республикаси Президенти хузуридаги Давлат қурилиши академиясига ва Ўзбекистон Республикаси Банк-молия академиясига;

Ўзбекистон Республикасидаги халқаро, хорижий олий таълим муассасаларига ва хорижий олий таълим муассасаларининг филиалларига жорий этилмайди.

- 3. Давлат комиссияси коллегиал маслахат органи хисобланади.
- 4. Давлат комиссияси ўз фаолиятида Ўзбекистон Республикаси Конституциясига, Ўзбекистон Республикаси қонунларига, Ўзбекистон Республикаси Олий Мажлиси палаталарининг қарорларига, Ўзбекистон Республикаси Президентининг фармонлари, қарорлари ва фармойишларига, Ўзбекистон Республикаси Вазирлар Маҳкамасининг қарорлари ва фармойишларига, ушбу Низомга ва бошқа норматив-ҳуқуқий ҳужжатларга амал қилади.
- 5. Давлат комиссиясининг ўз ваколатлари доирасида қабул қилинган қарорлари давлат ва хўжалик бошқаруви органлари, маҳаллий давлат ҳокимияти органлари, олий ва ўрта маҳсус, касб-ҳунар таълими муассасалари томонидан бажарилиши мажбурий ҳисобланади, ушбу Низомнинг 2-бандида кўрсатиб ўтилганлар бундан мустасно.
- 6. Давлат комиссиясининг таркиби Ўзбекистон Республикаси Президентининг қарори билан тасдиқланади.



7. Давлат комиссияси фаолиятини ташкил этиш тартиби унинг ваколатига кирадиган куриб чикиладиган масалалар курсатилган холда ушбу Низомга иловада келтирилади.

II. Давлат комиссиясининг асосий вазифалари

8. Қуйидагилар Давлат комиссиясининг асосий вазифалари ҳисобланади: олий ва ўрта махсус, касб-ҳунар таълими мутахассисларига истиқболдаги талабга мослик ва ўзаро боғлиқлик таъминланган ҳолда келгуси ўқув йилига олий ва ўрта махсус, касб-ҳунар таълими муассасаларига ҳабул квоталарини шакллантириш ишларини мувофиҳлаштириш;

Иктисодиёт вазирлиги томонидан Мехнат ва ахолини ижтимоий мухофаза килиш вазирлиги, Олий ва ўрта махсус таълим вазирлиги хамда Ўрта махсус, касб-хунар таълими маркази, бошка вазирликлар ва идоралар билан биргаликда хар йили 1 апрелгача бўлган муддатда карорнинг тегишли лойихаси шаклида Давлат комиссиясига киритиладиган йўналишлар ва мутахассисликлар бўйича олий ва ўрта махсус, касб-хунар таълими муассасаларига ўкишга қабул қилишга доир асосланган ва белгиланган тартибда келишилган таклифларни кўриб чикиш;

келгуси ўқув йилига олий ва ўрта махсус, касб-хунар таълими муассасаларига ўқишга қабул қилишга доир қарорнинг киритилган лойихасини ўрганиш натижалари бўйича кейинчалик хар йили 10 апрелгача Иқтисодиёт вазирлиги ва Ўрта махсус, касб-хунар таълими маркази томонидан хужжатнинг кўрсатиб ўтилган лойихасини белгиланган тартибда тасдиқлаш учун Ўзбекистон Республикаси Вазирлар Махкамасига такдим этилиши учун Давлат комиссиясининг баён қарори билан расмийлаштириладиган тегишли тавсияларни бериш;


абитуриентлар ва ўкувчиларни олий ва ўрта махсус, касб-хунар таълими муассасаларига ўкишга танлашда холисоналик ва ишончлиликни таъминлаш;

олий ва ўрта махсус, касб-хунар таълими муассасаларига кириш имтихонларини (тест синовларини) ташкил этиш ва ўтказишда давлат ва хўжалик бошқаруви органлари, маҳаллий давлат ҳокимияти органлари фаолиятини мувофиклаштириш;

абитуриентлар ва ўқувчиларнинг билимларини бахолаш шакллари ва мезонларини белгилаш ва такомиллаштириш, олий ва ўрта махсус, касб-хунар таълими муассасаларига ўқишга кириш учун билимлар (баллар) даражасини белгилаш;

кириш имтихонларини (тест синовларини) ўтказиш тартибини, тест материаллари экспертизасини ўтказишни хамда абитуриентлар ва ўкувчиларнинг билимларини бахолашни такомиллаштириш буйича ташкилий чоратадбирларни, таклифлар ва талабларни ишлаб чикиш;

кириш имтихонларини (тест синовларини) ўтказиш бўйича олий ва ўрта махсус, касб-хунар таълими муассасалари фаолиятини мувофиклаштириш; халкаро, республика олимпиадалари, танловлар ва мусобақалар голиб-





лари қонун ҳужжатларида белгиланган тартибда олий таълим муассасаларига ўқишга қабул қилинишини таъминлаш;

қонун хужжатларида белгиланган тартибда хорижий фуқароларни олий ва ўрта махсус, касб-хунар таълими муассасаларига ўқишга қабул қилиш;

қонун хужжатларида белгиланган тартибда Давлат комиссиясининг ваколатлари доирасида олий таълим муассасалари талабалари ўқишини кўчириш ва тиклаш масалаларини мувофиклаштириш;

кириш имтихонлари (тест синовлари) якунларини чиқариш, танланган йуналиш, касб-хунар таълими мутахассислиги буйича абитуриентларнинг билимлари даражасини, қобилияти ва қизиқишларини хисобга олувчи ягона талаблар буйича олий ва ўрта махсус, касб-хунар таълими муассасаларига ўқишга қабул қилиш буйича қарорлар қабул қилиш;

олий ва ўрта махсус, касб-хунар таълими муассасаларига ўкишга қабул қилишни ташкил этиш ва ўтказишни тартибга солувчи қонун ҳужжатлари талабларининг аниқланган бузилишларини бартараф этиш юзасидан қонун ҳужжатларида назарда тутилган чора-тадбирларни кўриш;

олий ва ўрта махсус, касб-хунар таълими муассасаларига ўкишга қабул килишнинг Ўзбекистон Республикаси Президенти ёки Ўзбекистон Республикаси Вазирлар Маҳкамасининг тегишли қарори билан белгиланадиган квоталари тўлақонли бажарилишини таъминлаш;

қабул ва битирувчиларни ишга жойлаштиришнинг мослигини таъминлаш учун истиқболли талаб прогнозидан ва иш берувчиларнинг юқори малакали кадрларга булган амалдаги эхтиёжидан келиб чиқиб навбатдаги уқув йилига қабул параметрларига янада тузатиш киритиш учун қабул квотаси тулиқ булмаган холда бажарилган йуналишлар ва мутахассисликларни аниқлаган холда олий таълим муассасаларига қабул якунлари буйича таҳлилий материалларни тайёрлаш;

олий ва ўрта махсус, касб-хунар таълими муассасаларига ўқишга қабул қилиш масалаларини тартибга солувчи қонун хужжатларига ўзгартириш ва қушимчалар киритиш туррисидаги таклифларни ишлаб чиқиш ва белгиланган тартибда Узбекистон Республикаси Вазирлар Маҳкамасининг куриб чиқиши учун киритиш;

иккинчи ва ундан кейинги таълимни олиш учун қабул қилишни амалга ошириш буйича олий ва ўрта махсус, касб-хунар таълими муассасаларининг таклифларини белгиланган тартибда куриб чиқиш.

III. Давлат комиссиясининг функциялари

9. Давлат комиссияси ўзига юкланган вазифаларни бажариш учун қуйидаги функцияларни амалга оширади:

олий ва ўрта махсус, касб-хунар таълими маълумотли мутахассисларга истикболли талабнинг мослиги ва ўзаро богликлиги таъминлаган холда келгуси ўкув йилига олий ва ўрта махсус, касб-хунар таълим муассасаларига кабул квоталарини шакллантириш ишларига рахбарлик қилади;



ташкилий тадбирларга рахбарлик қилади ҳамда олий ва ўрта махсус, касб-хунар таълими муассасаларига ўқишга қабул қилишни, кириш имтиҳонларини (тест синовларини) ташкил этиш масалалари бўйича давлат ва хўжалик бошқаруви органлари, маҳаллий давлат ҳокимияти органлари, шу жумладан Ўзбекистон Республикаси Вазирлар Маҳкамаси ҳузуридаги Давлат тест марказининг ишини мувофиқлаштиради;

олий ва ўрта махсус, касб-хунар таълимининг ҳар бир йўналиши бўйича тест синови фанлари рўйхатини ва уларни баҳолаш мезонларини тасдиклайли:

тест синовига қушимча равишда куп балли тизим буйича касбий (ижодий) имтихонлар утказиладиган олий ва урта махсус, касб-хунар таълими йуналишлари руйхатини тасдиқлайди;

голибларни олий таълим муассасаларига қабул қилиш учун халқаро, республика олимпиадалари, танловлар ва мусобақаларнинг мақомини эътироф этиш тартибини белгилайди;

таълим муассасаларида хорижий фуқароларнинг тулов-контракт асосида уқиши қийматини белгилайди;

масаланинг ҳолати мониторинги (таҳлили) натижалари буйича олий таълим муассасаларида тулов-контракт асосида уҳиш учун тулов муддатларини узайтиради;

Ўзбекистон Республикаси Вазирлар Маҳкамасининг «Олий таълим муассасаларига қабул қилиш, талабалар ўқишини кўчириш, қайта тиклаш ва ўқишдан четлаштириш тартиби тўгрисидаги низомларни тасдиқлаш ҳақида» 2010 йил 18 июндаги 118-сон қарори билан тасдиқланган Олий таълим муассасалари талабалари ўқишини кўчириш, қайта тиклаш ва ўқишдан четлаштириш тартиби тўгрисидаги низомга мувофиқ талабаларнинг ўқишини кўчириш ва тиклаш, шу жумладан аккредитация қилинган хорижий таълим муассасаларидан кўчириш ва тиклаш масалалари бўйича қарорлар қабул қилади;

олий таълим муассасаларига ҳар йилги кириш имтиҳонлари (тест синовлари) натижалари буйича апелляция комиссияси таркибини ва раисини тасдиқлайди;

олий ва ўрта махсус, касб-хунар таълими муассасаларининг таклифларини тахлил қилади ҳамда абитуриентлар ва ўқувчиларни ўқишга қабул қилиш жараёнини янада такомиллаштириш масалалари бўйича ваколатлар доирасида тегишли қарорлар қабул қилади;

олий таълим муассасаларига ўқишга қабул қилиш тартибига, таълим йўналишлари бўйича тест синовлари фанлари рўйхатига, тест синови саволлари ва топширикларига киритилаётган ўзгаришлар тўгрисидаги ахборотни



оммавий ахборот воситалари ва таълим муассасалари орқали абитуриентлар ва ўқувчиларнинг эътиборига етказади;

9-синфларнинг битирувчилари умумий ўрта ва ўрта махсус, касб-хунар таълими муассасаларида ўкишнинг кейинги шакллари билан тўлик қамраб олиниши устидан хар йилги тизимли назоратни амалга оширади;

9-синфларнинг битирувчилари кейинчалик ўқитиш билан қамраб олиниши устидан мониторинг олиб боради, вилоятлар, шахарлар ва туманлар буйича ишларнинг ахволини умумлаштиради хамда хар йили 1 октябргача янги ўқув йили бошланишининг бошланғич босқичи якунлари буйича Ўзбекистон Республикаси Вазирлар Махкамасига ахборот бериш учун маъруза материалларини тайёрлайди.

IV. Давлат комиссиясининг хукуклари

- 10. Давлат комиссияси ўзига юкланган вазифалар ва функцияларни бажариш учун:
- 1) Ўзбекистон Республикаси Иқтисодиёт вазирлиги, Мехнат ва ахолини ижтимоий муҳофаза қилиш вазирлиги, Олий ва ўрта махсус таълим вазирлиги, идоравий мансуб олий таълим муассасаларига эга бўлган бошқа вазирликлар ва идоралар раҳбарларининг бўлажак ўкув йилига олий ва ўрта махсус, касб-ҳунар таълим муассасаларига қабул квоталарини шакллантириш ишлари тўгрисидаги ҳисоботларини эшитиш;
- 2) Давлат комиссияси аъзоларининг, давлат ва хужалик бошқаруви органлари, маҳаллий давлат ҳокимияти органлари мансабдор шаҳсларининг Давлат комиссиясига юкланган вазифалар бажарилиши юзасидан шаҳсий ҳисоботларини эшитиш;
- 3) олий ва ўрта махсус, касб-хунар таълими муассасаларига ўқишга қабул қилишни ташкил этиш юзасидан ўтказиладиган тадбирлар ва уларнинг якунлари бўйича давлат ва хўжалик бошқаруви органлари, маҳаллий давлат ҳокимияти органлари раҳбарларининг ҳисоботларини эшитиш;
 - 4) қуйидаги масалалар:

кириш имтихонлари (тест синовлари) натижаларини апелляция тартибида куриб чикиш якунлари буйича абитуриентларни олий таълим муассасаларига укишга кабул килиш;

Узбекистон Республикаси Вазирлар Маҳкамасига ҳузуридаги Давлат тест марказининг тақдимномаси буйича кириш имтиҳонларини (тест синовларини) утказиш ва уларнинг якунларини чиқаришда йул қуйилган ташкилий ва техник (ҳужжатлаштиришдаги) хатоларни тузатиш натижалари буйича абитуриентларни олий таълим муассасаларига уқишга қабул қилиш;

абитуриентларни:

умумий ўрта ва ўрта махсус, касб-хунар таълими муассасаларида чет тиллари ўкитувчиларига ўткир эхтиёжга дуч келаётган чекка кишлок ахоли пунктларида яшовчи шахслар орасидан чет тиллари ўкитувчилари мутахассисликларига олий таълим муассасаларига максадли қабул қилиш;



вазирликлар, идоралар ва бошқа ташкилотларнинг, Қорақалпоғистон Республикаси Вазирлар Кенгаши, вилоятлар ҳокимликларининг тақдимномалари буйича малакали кадрлар тайёрлашга ўткир эҳтиёж мавжуд булган олий ва ўрта махсус, касб-ҳунар таълими муассасаларининг таълим йуналишларига ҳабул ҳилиш;

тегишли давлат органлари ва бошқа ташкилотларнинг тақдимномалари буйича ижтимоий ҳимояга муҳтож булган абитуриентларни уҳишга қабул ҳилиш буйича ҳарорлар ҳабул ҳилиш;

- 5) абитуриентларни қабул қилиш тизимини такомиллаштириш билан боғлиқ муаммоларни ҳал этиш учун белгиланган тартибда идоралараро кенгашлар чақириш;
- 6) олдинга қуйилган вазифаларни амалга ошириш, таҳлилий материаллар тайёрлаш, тест топшириқлари экспертизасини утказиш учун зарурият булганда ишчи (эксперт) гуруҳлар, идоралараро комиссиялар ташкил этиш;
- 7) Давлат комиссияси томонидан қабул қилинган қарорлар изчил амалга оширилиши устидан назорат қилиш ҳуқуқига эга.

V. Давлат комиссияси фаолиятини ташкил этиш

11. Давлат комиссиясига раис бошчилик қилади, унинг ваколатларига: Давлат комиссияси самарали ишлашини таъминлаш;

юкланган вазифалар бажарилиши буйича Давлат комиссияси аъзолари ишини мувофиклаштириш;

Давлат комиссияси иш регламентини тасдиклаш;

Давлат комиссиясининг кун тартибини белгилаш ва унинг мажлисларини чақириш;

Давлат комиссияси томонидан қабул қилинган қарорлар бажарилиши устидан назоратни ташкил этиш киради.

Давлат комиссияси раиси қонун ҳужжатларига мувофиқ бошқа ваколатларни ҳам амалга оширади.

- 12. Ўзбекистон Республикаси Вазирлар Маҳкамасининг Ёшлар сиёсати, таълим, маданият ва спорт масалалари ахборот-таҳлил департаменти Давлат комиссиясининг Ишчи органи (кейинги ўринларда Ишчи орган деб аталади) ҳисобланади.
 - 13. Ишчи орган:

Давлат комиссияси мажлисларига зарур материаллар ўз вақтида тайёрланишини ташкил этади;

Давлат комиссиясининг қарорлари бажарилиши устидан назорат қилишни ва мониторинг олиб борилишини ташкил этади ва уларнинг натижаларини куриб чиқиш учун Давлат комиссиясига тақдим этади;

Давлат комиссиясининг баённомаларини расмийлаштиради ва тасдик-



ланган баённомаларни Давлат комиссиясининг аъзоларига тегишли қисми буйича тегишли давлат ва хужалик бошқаруви органларига, маҳаллий давлат ҳокимияти органларига, олий таълим муассасаларига юборади;

давлат ва хужалик бошқаруви органлари, маҳаллий давлат ҳокимияти органларидан узига юкланган вазифаларни бажариш учун зарур булган ахборот ва материалларни белгиланган тартибда олади;

Давлат комиссиясининг иш юритишини таъминлайди;

Давлат комиссиясининг қарорларига мувофиқ бошқа функцияларни амалга оширади.

14. Давлат комиссияси ўз фаолиятини Давлат комиссиясининг иш регламентига ва кун тартибига мувофик мажлисларни тизимли асосда ўтказиш йўли билан амалга оширади.

Давлат комиссияси мажлислари манфаатдор давлат ва хужалик бошқаруви органлари, маҳаллий давлат ҳокимияти органлари вакиллари таклиф этилган ҳолда, заруриятга кура, вақти-вақти билан утказилади.

Мажлисни Давлат комиссияси раиси, у бўлмаганда Давлат комиссияси раисининг ўринбосари ўтказади.

Давлат комиссияси аъзолари абитуриентларни олий ва ўрта махсус, касбхунар таълими муассасаларига ўкишга қабул қилиш бўйича фаолиятнинг конунийлиги, холисоналиги, очик-ошкоралигини таъминлаш сохасида конун хужжатларини такомиллаштириш чора-тадбирлари амалга оширилиши юзасидан Давлат комиссиясининг ишига кўмаклашадилар, конун хужжатларига ва Давлат комиссиясининг қарорларига мувофик бошка ваколатларни амалга оширадилар.

15. Давлат комиссиясининг қарорлари Давлат комиссиясининг мажлисда иштирок этаётган аъзоларининг оддий купчилик овози билан қабул қилинади. Овозлар тенг булганда раислик қилувчининг овози ҳал қилувчи овоз ҳисобланади.

Куриб чиқилаётган масалаларнинг хусусиятига боғлиқ равишда Давлат комиссиясининг мажлисига таълим муассасалари ва бошқа ташкилотларнинг рахбарлари ва мутахассислари таклиф этилиши мумкин.

- 16. Истисно холларда қарорларни тезликда қабул қилиш мақсадида Давлат комиссиясининг раиси айрим масалалар буйича Давлат комиссиясининг қарорларини суров йули билан тасдиқлашга ҳақлидир.
- 17. Давлат комиссиясининг қарорлари унинг мажлиси баённомаси билан расмийлаштирилади. Давлат комиссияси мажлисининг баённомасига унинг барча аъзолари томонидан виза қуйилади, масъул котиб томонидан имзоланади, Давлат комиссиясининг раиси томонидан тасдиқланади.

Давлат комиссияси баённомасининг асл нусхаси ва унга материаллар Ишчи органда сақланади.

18. Давлат комиссияси ўз фаолиятини унинг янги таркиби тасдиқлангунига ёки Ўзбекистон Республикаси Президентининг унинг фаолиятини тўхтатиш тўгрисидаги қарори қабул қилингунига қадар амалга оширади.



33 (689)-сон

— 59 —

441-модда

Ўзбекистон Республикаси таълим муассасаларига ўкишга қабул қилиш Давлат комиссияси фаолиятини ташкил этиш ТАРТИБИ

Босқич- лар	Тадбирлар	Бажариш муддатлари
I босқич	Таълим муассасаларига ўқишга қабул қилиш параметрларини шакллантириш 1. Олий ва ўрта махсус, касб-хунар маълумотли мутахассисларга истиқболли талабнинг мослиги ва ўзаро боғлиқлиги таъминланган ҳолда бўлажак ўкув йилига олий ва ўрта махсус, касб-ҳунар таълим муассасаларига қабул квоталарини шакллантириш ишларини мувофиклаштириш. 2. Кейинчалик қарорнинг тегишли лойиҳасини белгиланган тартибда Вазирлар Маҳкамасига киритиш учун Иқтисодиёт вазирлиги ва Ўрта махсус, касб-ҳунар таълими маркази томонидан манфаатдор вазирликлар ва идоралар билан биргаликда тақдим этилган олий ва ўрта махсус, касб-ҳунар таълим муассасаларига ўқишга қабул қилиш бўйича асосланган таклифларни кўриб чиқиш.	1 апрелгача
II босқич	Узбекистон Республикаси таълим муассасаларига ўкишга қабул килиш Давлат комиссияси фаолиятини ташкил этиш 1. Узбекистон Республикаси Президентининг Узбекистон Республикаси таълим муассасаларига ўкишга қабул қилиш бўйича қарори (тегишли равишда ўрта махсус, касб-хунар, олий таълим бўйича алохида). 2. Барча таълим муассасаларида абитуриентлардан хужжатларни қабул қилишни бошлаш бўйича ташкилий топшириклар, жойларда тегишли шартшароитларни таъминлаш.	май-июнь
III босқич	Укишга қабул қилиш вазифалари тўлақонли амалга оширилишини таъминлайдиган норматив хужжатларни қабул қилиш Куйидагиларни тасдиқлаш: олий таълим муассасалари бўйича ўкитиш тиллари бўйича давлат грантлари бўйича ва тўлов-контракт асосида бакалавриат ва магистратурага ўкишга қабул қилиш квоталарини тақсимлаш; Узбекистон Республикаси олий таълим муассасалари таълим йўналишлари ва уларга мос бўлган тест синовининг фан блоклари рўйхати; олимпиада ва танловларнинг олий таълим йўналишларига профессионал мувофиклиги хисобга олинган холда олимпиада ва танловлар фанлари рўйхати ва бошқалар.	20 июнгача
IV босқич	Хужжатларни қабул қилиш якунлари, кириш имтиҳонларига (тест синовларига) тайёргарлик кўриш бўйича ташкилий масалаларни ҳал этиш 1. Тест материалларини жойларга хавфсиз етказиб бериш, ҳар йили 1 августда кириш тадбирларини хавфсиз ва сифатли ўтказишни таъминлаш учун ҳуқуқни муҳофаза қилиш органлари ходимларини жалб этишни ташкил этиш. 2. Олий таълим муассасалари ва таълим йўналишлари бўйича Халҳаро ва республика олимпиадалари, мусобаҳалар ва танловлар голиблари, Зулфия мукофоти совриндорлари рўйхатини тасдиҳлаш.	20 — 30 июль
V босқич	Олий таълим муассасалари бакалавриатига кириш имтихонлари (тест синовлари) якунлари 1. Олий таълим муассасалари ва таълим йўналишлари бўйича кириш имтихонлари (тест синовлари) натижаларини тасдиклаш. 2. Апелляция комиссияси фаолиятини ташкил этиш.	15 — 20 августгача

Ўзбекистон Республикаси қонун ҳужжатлари тўплами, 2015 й.



441-модда — 60 — 33 (689)-сон

 Босқич Тадбирлар
 Бажариш муддатлари

Республика олий таълим муассасалари магистратурасига кириш имтихонлари якунлари 1. Республика одий таздим муассасадари магистратурасига кириш имтих

- Республика олий таълим муассасалари магистратурасига кириш имтиҳонлари натижаларини тасдиқлаш.
- Олий таълим муассасалари талабаларининг ўқишини кўчириш ва тиклаш масалалари бўйича қарорлар қабул қилиш.

25 — 30 августгача

VII боскич

боскич

Абитуриентларни тўлов-контракт асосида олий таълим муассасаларининг бакалавриати ва магистратурасига ўкишга кабул килиш якунлари

Ўзбекистон Республикаси Президентининг Ўзбекистон Республикаси таълим муассасаларига ўкишга қабул қилиш бўйича қарори вазифалари тўлик амалга оширилиши бўйича қарорлар қабул қилиш.

октябрьноябрь

VIII боскич

Умумтаълим фанлари бўйича тест топширикларининг ягона базасини шакллантириш

- 1. Абитуриентларга тавсия қилинадиган умумтаълим фанлари бўйича тест топширикларини такомиллаштириш бўйича йигма Ишчи гурух таркибини тасдиклаш.
- 2. Абитуриентларга тавсия этиладиган умумтаълим фанлари буйича тест топшириклари базасини такомиллаштириш, янгилаш ва кенгайтириш буйича Ишчи режаларни тасдиклаш; тест топшириклари базасини урганиш ва шакллантириш буйича эксперт гурухларни тасдиклаш, уларнинг таркибига тажрибали педагогларни киритиш.

ноябрь

Қабул якунларини таҳлил қилиш ва навбатдаги ўқув йилига таклифлар тайёрлаш

Қуйидагиларни назарда тутувчи олий таълим муассасаларига қабул якунларига оид таҳлилий материални тайёрлаш:

- 1. Хар бир йўналиш ва мутахассислик бўйича тўлақонли қабул бўйича Ўзбекистон Республикаси Президентининг тегишли қарорида белгиланган вазифалар амалга оширилишининг холати.
- 2. Истикболли талаб прогнозидан ва ўкишга қабул қилишнинг битирувчиларни ишга жойлаштириш билан мослигини таъминлаш учун иш берувчиларнинг юқори малакали кадрларга бўлган амалдаги эхтиёжидан келиб чиқиб навбатдаги ўкув йилига қабул параметрларини янада тузатиш учун улар бўйича квота тўлиқ бўлмаган холда бажарилган йўналишлар ва мутахассисликларни аниклаш.

декабрь

IX босқич